



周益公文集五十八

平園續稿卷第十八

宋廬陵周益公必大著

記一

賞心樓記一名東樓

一水中分白鷺洲李翰林金陵詩也金白鷺賞心二  
亭連延城上元豐中蘇翰林賦長短句送王勝之仍  
題柱云江山之勝傾想平生名遂傳於天下廬陵亦  
有白鷺洲青原臺置其首郡治也堆勝樓當其腹驛  
舍也登臨勝槩雖垂金陵然非閑人所能至盍求之  
於造物之無盡藏乎乃市民居創小樓介乎二者之

間借其名曰賞心具少陵江樓語也衡不盈三丈縱  
又去其一惟費者故成速蓋洲之項領也目力所及  
視青原堆勝十得八九而無屬禁可以日涉詩不云  
乎于胥樂兮願與鄉人共文安知求者無二翰林之  
才爲余賦之也慶元元年二月日

### 蜀錦堂記

予及紹熙甲寅十一月遷新第蓋本郡貢院舊墓也  
東偏買園數畝勢坦夷名之曰平重海棠堂數百株蟠  
根老榦強徒以來中爲堂三間而向重簷承露東西  
兩榮弗陋弗奢明年花開如錦繡予與一餘客縱目  
其上皆問何以名堂予曰未也客試名之或曰公昔  
以布衣奉送此地今官一品而居之非錦衣畫行乎  
予謝曰此安陽韓忠獻故事君母戲我客又曰公堂  
以天子命兩師鄉部縱避忠獻豈不如朱買臣則  
又謝曰予惟不才不敢以引綬爲榮四年之中再命  
而婁辭賴聖恩從欲許以錫印亦非買臣比也衆  
客於是合辭曰公昨蜀土於今三朝花滿錦城分  
派茲圃儻不歆自此前人盡以蜀錦爲名上因寓公  
下指花耳公意何如予謝曰客既合辭予則無辭乃  
不果辭慶元乙卯三月望

安福縣重修鳳林橋記

造舟為梁文正初為西伯創物之智也人到于今賴之漢儒著爾雅乃曰天子造舟諸侯維舟大夫方舟士特舟庶人乘泝是說也謂辨尊卑可也河橋何與焉郭璞既誤次為周公之言孫炎又從而為之辭其失詩雅之旨遠矣古者郡邑大率頻江浮航於水如板其上聯屬綿亘以達于岸人之往來其道如砥視招招舟子爭濟於風濤之中險易勞逸蓋相萬也安福壯縣江西湖南之要津水出盧溪惟于鳳林其廣三百尺是橋不知起何時姑以近事考之元豐縣令

上官公穎崇寧縣令上官合增脩於二十年之間邑士毆陽安稷名橋曰上官者從其姓也紹興庚申令韓邦光復修之鄉先生王公庭珪名之曰鳳林者因其地也淳熙丁酉令徐輝義脩之邑人劉浚易名濟川則誦矣夫一橋在北門總百條年四脩而四壞何也吏情財殫葺不以時或葺矣弗良于工故易壞也慶元改元令施廣厚適逢其壞而尉陳章復能奮身任責相與掄材選士舉大舫二十而新之治鐵為纆紐竹為箴圖惟悠久之計士民咸出力相其後起於季春成於仲春會太守楊侯方新至首助錢十萬仍

歲留征商送州之餘為後曰營繕之備章吾故人子也請記其事於今累用行授代去矣安得不為一言夫利涉之功微公家不能成雖成必壞者物理之常也郡邑無終窮守令有更易坐視弗恤其壞也速未壞亟葺其費也省今令尉幸奉職二千石又設儲待其慮周矣徒法不能以自行顧嗣音者何如耳因為辨漢儒之失揭鳳林之舊使後之人知公家之利非一族所得私若濟巨川非一令所當擬必也即渡名橋隨壞隨葺乃百世不易之道也二年三月十五日

廣德軍重脩譙門記

天子五門諸侯三之禮也綿之詩曰迺立臯門有伉乃立應門應門將將是時古公居岐為商諸侯故鄭氏箋云諸侯之宮外曰臯門朝曰應門內有路門天子加以庫雉其義照然先儒釋雅亦引周禮注天子諸侯同此三名惟毛氏因戴記明堂位言魯以庫門為天子之臯門雉門為天子之應門遂謂天子郭門為臯正門為應而侯門當名庫雉與鄭予看孔穎達無所折衷既言鄭以臯應自是諸侯正法又云名之曰庫雉制之如臯應制二兼四時褒周公以傳毛氏予謂詩經聖人所刪記出漢儒之手古公非王也於



箋有取焉或曰魯史書雉門何也曰禮天子諸侯臺  
門天子外闕兩觀諸侯內闕一觀春秋之際諸侯僭  
王大夫僭諸侯兩觀猶僭庫雉可知經因災以示馳  
耳書亦言應門何也曰在周為王門在岐為侯門鄭  
氏固謂天子諸侯之所同復何疑焉 本朝師藩督  
府叅用周制其門三重餘二而已儀門之外譙樓巍  
然以高為貴始臯門之遺制歟按唐節度使入境州  
縣築節樓迎以鼓角今遂以是名門其數則節鎮十  
有二到郡用十著于甲令視漏刻以警昏昕蓋一邦  
之耳目也廣德為軍名隸江東實鄰浙西素號樂土  
熙寧戊申守臣朱壽昌大脩譙門紫微南豐曾公為  
之記六十年而毀紹興甲子魏侯安行始再營之距  
慶元丁巳復五十四年枝傾補陋不可以久會承議  
郎曾侯曾被命分符有絕人之才百廢具舉謂萬乘  
行在吳中郡乃近輔華麗譙曉當應古義適歲豐人  
和鬻材僦工與役於暮春落成以季夏輪奐之美與  
創始均其外兩亭東以宣詔西以頌春其內兩樓左  
曰架閣右曰甲伏前後映帶粲然一新觀者服侯以  
予與其世父原伯先君仲躬同朝相善也不遠二千  
里請記其事惟南豐古文在前屢謝不敢而請益勤

姑爲考衆說之異同而識其歲月如此明年戊子三月

### 萬安縣新學記

學所以明人倫人倫不可一日廢學校其可一日廢乎雖然此王政也故凡君國教學爲先而世治則制度在上虞夏商周皆立大小學於都畿諸侯之國亦必天子命之教然後爲孝者是也世亂則學校不脩禮失則或求之野故杜王朝者多有不悅學之說以及其大小列國如鄭而青衿不至反朝夕游於鄉之校者是也或疑論語一書如帝王曆數之授受邦國政事之得失大而道德性命之要小而寢食衣服之節罔不及之獨於學校略無問答抑嘗深求其故乎司馬遷曰孔子以詩書禮樂教弟子蓋三千焉身通六藝者七十有二人如彥濁鄒之徒頗受業者甚衆故當之時或問爲邦或問爲政以至祭祀朝覲征伐盟會治民折獄之類講習之已熟切磋之已至往往隨其才器各底于成舉而措諸事業斯無難者是則傳道育材不在乎辟雍泮水而在乎杏壇之上洙泗之間也久矣又何問焉宋興藝祖方四征不庭已數幸國學欽崇將聖親爲之替列聖繼志首善始京

師黜內及外至于慶曆學校遂徧天下蓋祀先聖先  
師於季古也後世郡國廟事而已復之制古且及于  
邑則起本廟若守與今敢不敬承吉之萬安自熙寧  
五年爲縣令將百三十載而學凡三徙士不以爲然  
慶元戊午夏四月知縣事宣教郎王牒師適寔東政  
知後先首闢龍頭書院遂議新學相方視址捐直與  
民得地二十餘畝以明年三月壬子僞工盡十月而  
殿宇學舍皆成經史之閣左右生之齋內之庫帑庖湏  
外之門闔垣墻邃深爽塏幾亞郡李費緡錢以萬計  
皆士人所樂輸而官以餘則助之且爲經畫悠久贍  
給之計纖悉無遺往來者但視其成而不知其所以  
成也諸生請記其事某惟夫子教人非可下言而盡  
其論行藏亦豈一端而止然必季成乃許以仕故說  
漆彫開之對而惡失賊費率之佞豈嘗使人以政學  
也哉粵自王道衰而異端作霸者之後有楊墨揚墨  
之後有縱橫有申韓有黃老有諸儒之專門至漢磨  
以來又設科目以取士士方拘牽時文或不得一意  
於學今脩家開設學校惟周孔之教是明惟堯舜文  
王之道是適爲士者雖藉舉業爲入仕之階然平居  
父詔其子兄詔其弟自掃掃應對而克乎孝悌忠信



由聞見卓約而極乎高明光大蘊諸中者既不為滯  
辭設行所汨則形諸外者亦何適而不可故施之試  
程非駁雜之辭進為師儒得模範之正臨民則為良  
吏立朝則為名臣舉不出手素學於以副治世化民  
成俗之德意此則賢令承流宣化孜孜徒孝之本心  
也可不勉歟若夫江山之勝棟宇之脩與夫竹木江  
後之多寡宣勞協力之名氏令也能文自詳紀于碑  
陰此不云六年庚申正月旦

### 墨池閣記

居垵字林夫翰林侍讀學士彥猷諱詢之子錢塘人  
熙寧四年上書合時宰意用臺薦驟得御史裏行明  
年二月擢諫官八月復越班論時宰責 庫廣州徒  
監吉州太和縣鹽酒稅自公退食孝書於官廨池上  
後數年山穀黃公為令賦絕句云奉檻朱雲頭故白  
不知沅落向何州空餘前日學書地小閣紅渠取意  
秋至元祐中蘓文忠公守杭林夫適赴武昌公得其  
父舊詩次韻送行有聞道黃門有父風之句謂父子  
皆善書也今今朝奉節卓洵涖事三載每葺縣庠增  
置博士弟子其通四十人教養課試一視侯類左序  
東偏接林夫廢廨故沼尚存乃闢其地創閣三間為

諸生游息之所用漢張芝故事榜曰墨池著其學書之美請予爲之記夫書雖一藝古人猶不苟如此推而上之進德脩業豈止收翰墨之功而已或謂林夫進銳退速亦可取乎予曰吾夫子有言不得中行而與之必也狂狷乎林夫少年時雖異乎中行要非碌碌之士故陳襄述古薦之於經筵而山谷追美於已去之後蘇公復以詩贈別至卓令又表而出之學者其知所擇哉山谷以元豐三年庚申得太和辛酉歲方上絕句題十一月己卯蓋壬戌年是月二日也又明年十二月移德平鎮而去迨慶元庚申兩甲子矣三月庚辰周某書

贛州贛縣重脩學記

皇朝立學徧郡縣縣有附庸有支邑人之言白支邑距城近者百里遠則倍蓰賦租征權間得移用李校之脩旣已非艱而其士又以城闕為遠故庠聲序音自振於一邦附庸則不然賦租征權守皆統之士方萃于郡庠為令者因得藉口李校名存實否人亦不責備也慶元三年冬奉議郎司馬邁來為贛宰深關其說謂郡庠教養率限以負今十室必有忠信而曰一同無遺賢證其下也上臺戒橫歛州家不苛取邑

之財用有定名或漁于吏或費于侈而曰力不及於  
孝誣其上也民之師帥當如是乎於是節用度核隱  
欺首葺大城殿次飾講堂齋舍几重門脩廊下至庖  
福之所器用所須無一不備舊廩歲輸未二百斛緡  
錢僅以百計經營三載括六鄉間田之所入益錢至  
三倍既有養士之費則請于州選補生員寢食于學  
月書季攷一守成規春秋奠獻如式文風郁然遂為  
外邑之表代更有日書來請記予聞記有二說不贊  
聖人之道則勉諸生以學昔在皇祐賢令大理寺丞  
王希肇正廟學太山孫復碑紀其實謂夫子道被萬  
世非假稱述逮嘉祐中著作佐郎錢顛尤號賢令學  
政益修每以上之教化士之講習告諸人臨川胡彖  
大書碑陰即而讀之鬼過半矣予尚何言始舉司馬  
君之說附先賢之後使來者知溫國冑緒為政如此  
非俗吏所能為也尚嗣音俾勿壞六年十月旦

梅州重修學記

南海屬郡潮為大潮之屬邑程鄉為大五季偽劉升  
其地曰敬州國初避今祧廟諱以梅易敬熙寧癸丑  
嘗歸潮後十年復初紹興丁巳如熙寧三年又復  
甲子適周矣雖曰僻在嶺表而自唐元和末韓文公

守潮首置鄉校謂刺史縣令不躬為之師命趙德督  
生徒程鄉秀民固在其中至元符初垂三百年劉忠  
定公又謫于梅每謂語不妄然後可入于誠諄誨學  
者蓋天以兩賢加惠茲土舊矣故其士醇其民樸葺  
學校以教之尤不可已異時二千石自四遐相易而  
至土風未遽知政事未易修凡所說施多石累月之  
後辛無移徙率制娶意營職亦不過期歲已迫合符  
正使心乎教養而為之也難今劉侯則不然侯潮人  
也梅治程鄉猶本郡也初仕郟尉此習知其風俗周  
知其財用况大父伯父再世登科故崇儒之心切而  
為政之力易下車以慶元五年之仲文越明年閏春  
之朔即增飾學宮新十哲像徧績從祀凡齋舍職事  
位下至庖湏之屬悉加于舊廣學田增生員別創小  
學四齋絃誦之聲日聞前守陳自修始以忠定公配  
享文公至是各為之祠以瞻以儀厥仲夏告朔合僚  
左衽佩二百人慶其成於是教授林陶掾曹姚得朋  
程鄉令李昌齡歌詩三章章十句以美之一章頌侯  
耒之榮也二章樂庠序之新也三章欲人才之興也  
其歌曰孰不為邦孰守其鄉如被錦衣晝行輝煌侯  
曰上思曷敢弭忘何以報之俾民向方言葺泮宮



于鄉有光載歌曰 宣聖南面珠旒袞章十哲侑坐  
群賢績廊六齋分列小學時傍談經議道春祠秋嘗  
我侯戾止率由典常又曰閭閻諸生振鷺耒翔詩書  
禮樂游息修藏勉爾行業為時俊良毋毀于隨毋嬉  
以荒三歲大比用賓于王歌既闋僉曰允哉佯耒視  
予嘉其有美而有勸也併紀歲月遺之它日與計偕  
者依鹿鳴歌是詩轉而上聞非此邦之盛事歟侯名  
渙字伯順今官朝散郎十月日具位

梅州貢院記

易曰隨時之義大矣哉時未可為不為可也時既可  
為可乎降漢迄唐因郡國大小定貢士多寡 本朝  
接五代之亂鄉卒寂寥士試州治未有圍棘糊名之  
制由廣而東去國滋遠厥初合一路總貢一士涵養  
二百餘年人才始衆梅之置州適後他邦古法士不  
滿百併試傍郡貢院之不設時也連舉大比至數百  
人預薦者五或即郡庠或萬駟亭始苟簡成之終勞  
費葺之今太守朝散郎劉渙節用儲財肇新試闈亦  
時也相攸度基廣十有二丈深三十有七尺市竹木  
於龍川擇梓匠於汀贛為廳堂各五間其崇二丈五  
尺廊屋十四間內外門各五間封彌騰錄東西廚屋



總十間隔街有溪限以徧戶厚償其宣徹而達之洞  
視山川之秀溪中有百花洲創住致亭於其上與工  
以慶元六年六月壬辰訖事以十一月丁巳匠以工  
計者五千有奇雜役則募間民用磚十萬蓋瓦倍之  
錢以緡計者數千米以斛計者累百越十二月朔行  
鄉飲酒祀發焉程鄉令李昌齡予里人也以書道本  
末且曰州惟一邑向也百後所仰令侯甫修學校又  
為是舉成規定于心餘羨出于州科調毫釐弗及其  
屬願紀實以彰其美恭聞 太宗皇帝端拱元年放  
進士二十八人有古成之者預焉雖家廣之增城後  
徙于梅其四世孫革遂登紹聖進士第元符三年藍  
奎繼擢丙科政和二年則有劉中紹與十五年復有  
羅振四隣望之指為士鄉又况戊申策士維揚而潮  
人礼部尚書王大宝臚傳第二於梅本同州丁丑奏  
號南省而惠人祕書郎張宋鄉名冠淡墨於梅為同  
路兩賢學問既過人而立朝持論並為當世所稱詩  
不云乎高山仰止景行行止諸生他日取巍科繼前  
修尚毋忘二千石作成之德明年正月旦位周某託

周益公文集

平園續稟第十八

周益公文集五十九

平園續稟卷十九

宋廬陵周益公必大著

記二

太和縣仰山二王行祠記

聖人成民切矣既撫之以仁又惠之有政尚慮天降之災  
人為或弗能給則致力于上下神祇周禮大祝掌六祈是也至小祝復  
載其目曰祈福祥順豐年逆時雨寧風旱彌災兵遠罪疾  
凡民之所願欲尚有出於此者乎自釋教盛於中國故  
又却佛廬而致禱焉蓋神能變化無方佛能攝受有情  
其為道雖不同精誠可格則均若乃聰明正直廣大慈

悲蕪而有之惟袁州 孚惠廟二王爲然王兄弟皆龍也自晉末嘉宅仰山之獺潭至唐會昌三年蓋五百餘載有僧號小釋迦名惠寂者來自柳州卜庵此山二年欽其道行施山爲寺而徙廟堵田舍寺以太平吳國爲名其上廟基存焉治平元年郡人李觀嘗爲記刻石神之歸心釋氏固已照然而巫祝特牲牢以爲利流膏割鮮神或厭之迨元祐六年住山佛印禪師了元卜於神曰血祭乎蔬食乎神曰蔬食哉厥後謁廟者遂以伊蒲塞爲饌張丞相商英適漕本路又爲之記功利及物逐日以新自士庶達于郡邑或繪事于家或塑象僧舍或祔享別廟祈求者不絕吉州太和縣進士劉千齡謂非設行祠不足以褐處妥靈乃即縣西北五里登科岡背陰面陽創正殿三間鄉人爭附益之夾以廊廡各十二楹前爲門三後爲寢室七至於崇釋教祀徐璠與夫梁棲享亭下暨厨庫罔不具備始事於慶元丁巳之正月落成於戊午之十月嚴翼輪奐觀者起敬知縣事卓洵頻歲諸禱曰雨曰暘其應如響千齡介予故人曹寅亮謁文記之惟皇上帝分命山川之神各主一方捍災禦患載於經傳不可誣已然諸侯所祭不過境內今二王以神龍有截之威合大

雄無邊之力自遠徧于江西自江西放手嶺表咸被其賜而祭享之夫豈泛泛神祠加惠一方者所可比哉按唐藍谷神名在祀典而依悟真精舍詩人美之曰若歲有水旱詔使脩蘋蘩以地清淨故獻奠無葷糴願借是詩代享神迎送之詞至於封爵之崇事實之衆圖志具在此不復云六年十一月五日

袁州宜春臺孚惠新祠記

袁侍孚惠二王為司命郡以宜春臺為勝境壯亭榭於林木之表山川城郭俯視無遺輟燕遊以奉神敬則改為者太守徇邦人之志也按仰山距城七十里而遠二王既教釋氏遜山與寺徙廟堵田距城三十里而迹人猶患不得朝夕致敬也故凡水旱疾疫迎神臺上以便祈禳已事乃歸其未久矣建炎中劇盜金虜繼至守奉像設而駐師焉賊薄城若有禦之者最後望見山神黃衣白馬往來雉堞間駭異而走紹興初始即臺立行祠淳熙甲午易亭為殿又移慈濟院於臺西奉惠寂禪師即神所敬者初寂歸老韶州將謝世神往訣別問豈無見屬手寂曰吾師灵祐禪師以正月八日逝于瀉山宜就是曰普設僧供神敬諾自後及期則盱蠻幽贊緇素咸聚歲次為常既遷



城中齊會茲盛遠人四集凌虛創閣以待有衆慶元  
己未九月丁未融風爲災一夕俱燼士民謹曰此飛  
簷架空之咎也爭輦土石培展臺基首營正殿五間  
後列瀉仰二禪師暨王之父子又爲堂以識參請設  
亭以備拜享別造齋閣于新址總用錢八百餘萬郡  
守李說捐金穀倡之闔境爭趨和之武經郎趙伯詩  
鄉貢進士袁簡及孟公震掌其事兵馬監押趙善澄  
董其役揆日於是年十月明年四月訖工因故人潘  
侃求記予聞靜者爲性動者爲情性無有不善情  
則隨物應焉大而天地明而爲人寂滅者佛變化者  
神雖曰殊塗然而仁民愛物之性善善惡惡之情未嘗不均  
今二主既弭災捍患加惠斯民民亦秉彛好德思媚神灵故  
是役也富者輸財壯者効勤自求多福用漬于成得非道一  
而已如吾儒所云者乎咨爾袁人治情以礼養性以仁以稱  
天地神佛之心以還比屋可封之豈惟袁人四方其訓之五月

廬陵縣重修縣學記

聽訟理財根柢於縣令綱領於郡守人舉知之至於化民成  
俗守猶不敢專任况今乎此後世之通患而非古也三代盛  
時黨有庠遂有序州有長縣有正德行道藝以時書之當春  
秋世其制已廢吾夫子憂之平居每語其高弟曰君子孝道



則愛人小人孝道則易使也其後言偃宰武城果用弦歌而治夫君子孝道固也小人亦與焉非縣令化民成俗之要歟更秦涉漢古制滋亡董仲舒獨能知之其言曰王者治天下以教化為大務立太學教於國設庠序化於邑又曰縣令民之師帥所謂教訓之官以德善化民者夫論庠序教訓而及於邑自夫子而後仲舒一人而已惜乎時君莫之能行迨本朝仁宗慶曆中始詔諸縣皆立孝高宗中與申命於詔與十四年之春三代盛奉一旦遂復廬陵分治郡城多士所聚而縣庠介于官寺通衢之間無地可展知縣事羅烈雖竭力應詔然規模未備春秋僅壹釋奠後率附於州將六十年今令宣教即豫章黃疇若攝勇懷強容困仰效待人以忠行己以絮得子路治蒲之政百里既安歲事仍豐首創祭器躬率諸生行上下礼次嚴像設葺殿廡新祭戟斲階渠高其開闔增舊三尺起嘉泰改元正月壬戌告成於四月己丑凡用工三千靡金錢三十萬學租舊六百斛養士不盈四十益以禪居院詭戶田一頃為租六十斛然後歲計不乏而又精於問學勤於教遵礼文師範兩得其宜於是戢事許凌等求文為之記按唐循吏韋景駿傳神龍中嘗令肥鄉後為趙州長史道出舊治民爭奏酒食迎犒有小兒亦在中景駿曰兒曹未生而吾去邑何故來對曰耆老

言學廬館舍皆公所治意公古人幸親見之屬聞公府交薦黃君即仕於朝它日持節典藩道或由此父老子弟必將迎勞如景駿僕雖耄矣儻見之手是月甲午

分寧縣學山谷祠堂記

嘉泰元年秋奉議郎臨江徐筠孟堅宰分寧期年矣專以儒術飾吏事每詣教官必進諸生以學顧視山谷先生祠宇在講堂之左墜隘朽弊亟廣而新之傳像家廟惟肖釋奠食則擇族老能文者曰嵩主祀事屬予識其成參考圖謀自唐正元十五年分武寧八鄉以名茲邑西有幕阜山其高千丈廣二百二十里脩水北來東南經縣泊凡六百餘里下入彭蠡此山川之最勝者也黃氏本金華人先生六世祖贍嘗為邑宰厥後奉親卜居後則就葬歷三世家修水上宦學有聲而先生出焉此世家之可考者也夫惟山川炳靈世美交濟故其孝友之行追配古人瓌偉之文妙絕當世又得眉山蘇文忠公而師之陳張晁秦而友之是宜光顯子朝共振斯道乃或不然初坐眉山唱酬棲遲縣鎮後被史禍竄謫兩川晚以非辜長流嶺南遂隕其命中間翱翔館殿纔六年耳右史之拜復為韓川沮止其生不遇如此蓋人衆勝天也高宗中興恨不同時追贈直龍圖閣擢從弟叔教為八坐寘甥徐俯於西府皆以

生先之故 宸登天縱至下取其筆法成石刻銘徧于  
守令之庭李杜已遠遂主詩社身復光榮方至於此非  
天定勝人耶昔孔子任魯魯人指為東家丘歷聘諸侯  
代木削迹無所不有孰知後世郡邑通祀南面巍然一  
履之微猶藏武庫聖人尚爾先生其奚憾予既書其大  
路又系以辭使遇祀事而歌焉其詞曰嗟先生之致身  
何艱難而險阻倚先生之沒世乃發揚而普誦巋高山  
與景行極幽遐而爭覩微岌岌乎當時詎煌煌以終古  
爰配祭其鄉社俶奉嘗于新宇釀水以為醪釣鱉魚而  
實俎櫛白茅於双并祭浮豔之花乳尚來燕以來寧永範模  
乎故土九月十日

玉和堂記

春為青陽夏為朱明秋為白藏冬為玄英四氣和謂  
之玉燭此格言也今夫佳花美木在天壤間氣和而  
後生人皆知春時為然不知和氣所鍾無時無花也  
老叟既闢敞廬東為平園園西北隅隙地坦然乃距  
北垣五十弓餘二肘為堂三間南直唐虞二典閣背  
為流盃亭其深四丈二尺博三丈七尺崇二丈有奇  
敞扉而涼塞向而燠可以納四時之和氣散植紅梅  
辛夷桃李梨店海棠棊藤紫荊丁香冠以牡丹芍藥

此春景也前後兩沼碧蓮叢生東則紅艾彌望榴花  
萱草雜寘其間此夏景也巖桂拒霜橘柚蘭菊盛於  
秋江梅瑞香山茶水仙盛於冬時花略備矣至姑佛  
桑躅躅山丹素声末利之属或盛或檻榮則列之悴  
則徹之而種植禾歌也始造於慶元庚申十月戊辰  
八月丁未與客落其成共惟 聖主在上衆賢和于  
朝萬物和於野遂使皤然一叟得侯老於和氣之內  
故榜其堂曰玉和志幸會云時嘉泰元年也

敬齋記

紹興庚午秋予與永新周正寬平一同預貢籍知其  
素慕王文正公之賢植三槐于庭築堂臨之厥後終  
於迪功郎監衡嶽廟菑德積善敷遺嗣人其子尤字  
才卿即堂之陰架屋十楹廣二十尺榜曰敬齋致小  
雅必恭敬止之誼自為說數百言大略謂人之事天  
地事鬼神事父兄罔不莊敬及處閑燕或尊臨卑貴  
待賤未免安四尤實懼焉願參前以自警夫惟存心  
如此義方之訓可知嘉泰辛酉仲子主復以妙齡舉  
于鄉父子過予叙宗盟陳世契咀求一言予告之曰  
六經辭雖多而指甚要故中庸禮儀三百威儀三千  
而漢儒所記以曲禮為首篇以毋不敬為首句此所



謂禮之本也本立則禮無不行亦猶詩三百而夫子  
敬以思無邪之三語也尚何隱顯高下之別哉請歸  
而刻之石臘月庚寅

之和縣龍洲書院記

西昌下臨潁江陳霸先入授梁室駐軍有龍躍之事  
事見南史本朝開基之明年南唐知制誥徐鉉作白  
鶴觀記謂江水北奏而東匯龍洲南峙而重復以是  
名洲蓋亦久矣又有氏柱一峯屹然其外勝槩殆冠  
茲邑初即縣治之東梁光華館以待過客已而遷駟  
快閣遂為權醕之地今宰宣教即趙汝暮決科為政  
綽有父風至而歎曰天地之氣聚為山川山川之秀  
人實鍾之况父老相傳州過震寇出豈以錐蘖之故  
易弦歌之樂耶乃起加泰元年七月徹而新之疊右  
為基創屋二十楹列左右生齋田衰然曰卓爾自堂  
及門端正顯敞下逮庖湏各得其所閱兩月工以訖  
告遂倣潭之嶽麓衡之石鼓南康軍之白鹿榜曰龍  
洲書院擇春秋補試前列者十人居之而主以庠長  
於是縣學長諭貢院陳暕周有德學賓陸本謁予以  
訖或曰縣有學矣此非贅乎予曰三代盛時自土畿  
達于六遂為學者二為序十二為庠三百諸侯三鄉



三遂庠序當半之家塾猶未論也大和子男邦也略  
考闕籍浮屠之居百區老子之宮亦十五區而額存  
屋廢者不預焉昔毆陽文忠公著本論謂三代之民  
不從事田畝則從事禮樂不在其家則在庠序是以  
王者之政明聖人之教行雖有佛老無自而入今也  
昔之庠序皆轉而為寺觀何不疑於彼而反疑於此  
也幸賢今為之主盟使諸生得藏修游息于斯未仕  
則由六經而探贖聖人之教既仕則推所蘊以發明  
王者之政復古之功權與于茲豈但科奪得江山之  
助而已二年六月既望

吉州通判廳記

郡丞秦官惟掌兵馬自漢迄唐其名不常日別駕曰  
司馬曰治中曰長史雖均號上佐其實從事之長耳  
故緹油屏軾下與生簿同賜而州牧或得辟置間以  
處王子及近臣之左降若起廢者其於政事罕嘗典  
聞邦國不空之謔宜其寥寥也 藝祖皇帝創業  
之四年繼五代擾攘藩鎮跋扈兵強民弱治少亂多  
之後首置諸州通判不動声色於朝廷之上而與利  
除害功徧天下是冬又詔凡公事非守倅僉議連書  
勿行規摹宏遠豈歷代明君賢臣思慮所能及嗚呼

盛哉吉大州也其為貳則在唐彥魯公以論至本朝  
向文簡公以德選其他名賢炳炳相望加泰二年五  
月朝請大夫開封鄭臨寔未適二千石缺併縮郡組  
其家世之盛仕學之優施予有政見謂明敏初并聽  
事則支傾朽懼懼壓為竹木瓦甃幸儲庭下君問  
緩故則曰卜未利也君曰覆壓之不虞陰陽之是拘  
其可乎是月庚申丞倂工藏事七月乙巳落成拓題  
名記示某曰公大父秦國公以宣和七年春居是官  
掌行州事踰四考乃得代士民懷得固請家焉舊所  
載新是宜為記某追思始能言侍親於祖父母之側  
今七十有五年蕪燕楚之城社致桑梓之恭敬安敢  
以老詩荒唐為解柳掌讀衛詩美文公營宮室曰得  
其時制百姓說之今君思一日之葺破拘攣之議得  
其時也用成材仍舊貫加顯敞焉其東故有風月軒  
又闢西徧以相映帶得其制也自是入儀天朝遺後  
人以安俾之交修郡政惠此千里仰稱 藝祖設官  
之美意其本立矣因土木之工而紀歲月某請事其  
末云是年十月五日

汀州長汀縣社壇記

載芟春祈社稷良耜秋報也田都城達于郡邑古今

一撥故壇壝有制牲幣有數蠡蕘備物酌獻以時守  
令躬行貝存成憲粵自釋老教行神祠亦增雕墻峻  
宇殆徧城郭一遇水旱官吏犇走祈禳之不暇於是  
五土五稷之壇誕寘遐僻寂寞之地頽垣敗壁捕博  
所聚荒榛蔓草牛羊踐焉二仲時至昉加葺葺例委  
行事於掾佐牲瘠酒酸盞盞弗處始應有司之文過  
是無廢如初承議卽天台謝周鄉耒治長汀首致志  
焉自邑徂壇崎嶇沮洳往耒病之乃為相攸以直易  
迂甃為通衢二里而近繕以長垣總四十有三丈東  
為社壇崇三尺五寸廣丈有八尺附風師壇于其傍  
四為稷壇制與社等雷雨二壇對峙其側前闢門屋  
三間後創齋廬亦如之庀工以嘉泰二年閏臘之望  
閱月告成不遠千里以訖為請予聞子路使子羔為  
費宰曰有民人焉有社稷焉是固然矣繼以何必讀  
書然後為學夫子亟黜其言今君自大父以儒登科  
臨民有聲祀其先公克紹世美致位二府君復傳父  
祖之學為長子斯推仁心齊敏政治人事神蓋兩得  
之故書以告後之人毋俾或壞三年三月辛巳

終慕堂記

元祐名相忠肅劉公之曾孫諱荀字子卿博學篤志

周益文公集卷第十九  
切問近思平居隆師親友著書累數萬言從宦則考  
古證今見諸行事故小試理財錢流地上出守邊城  
南北刑勝盡在目而於立朝事君講之尤詳向使  
得位與時庶續先烈仕止二千石士大夫共借之其  
子新長林簿無愧既葬君清江之新城後取大孝終  
身慕其子之語揭名家舍之堂屢求一言或疑孟子  
章指為舜事親設非追遠也予謂不然祭義因文王  
事死如事生反覆論孝子之祭而其末曰立愛自親  
始父曰孝以事親順以聽命是則人子慕親何間存  
沒故經云生事愛敬死生哀感生民之本盡矣死生  
之義備矣孝子之事親終矣嘉泰三年三月

周益文公集

平園續稿卷第十九





